



25. juni 2013

UKA 2013/80

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunatsinni innuttaasut amerlanerit kalaallisut oqalussinnaalernissaannik periusissiatut iliuusissanut pilersaarummik kingusinnerpaamik Inatsisartut 2014-mi upernaakkut ataatsimiinneranni saqqummiunneqartussamut Naalakkersuisut suliaqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Tungavilersuut:

Oqaatsinut politikki pillugu Inatsisartut inatsisaat nr. 7, 19. maj 2010-meersumi § 3-mi allaqqavoq, kalaallit oqaasii tassaasut Kalaallit Nunaanni pisortatigoortumik oqaasiusut pisortatigullu ingerlatsinermi atugaasut.

Nunatsinni innuttaasut amerlanerusut kalaallisut oqaluttuupput. Nunatsinnili inissisima-soqarpoq kalaallinik kalaallisut oqalussinnaanngitsunik, aammalu nunasisunik kalaallisut oqalussinnaanngitsunik.

Inuiaqatigiinni oqalinnermi kalaallisut oqalussinnaanngitsut ilaatigut avoqqaarlerneqar-tarput. Avoqqaarliinerli kinguneqarneq ajorpoq kalaallisut oqalulersitsinermik.

Taamaammat Naalakkersuisut kalaallisut ilikkartitsinissamut pilersaarusoqqullugit piu-maffigineqarput.

Pilersaarusiordermi pingaaruteqarpoq meeqqat atuarfianit naammassisut tamarmik kalaallisut oqalussinnaanissaat ukiuni aggersuni angusinnaanngorlugu pilersaarusoq-qullugu. Meeqqat atuarfianiit naammassisut tamarmik kalaallisut oqalussinnaanngor-tinneqarpata ukiut qulit missaat qaangiuppata inuusuttut tamangajammik kalaallisut oqalussinnaanngorsimassapput.

Inersimasut kalaallisut ilinniarusuttut aamma pilersaarusiunneqartariaqarput kalaallisut oqalussinnaanissaminnik. Maannamut periarfissat qanoq annertusarneqarsinnaanissaat misissortariaqarpoq, pilersaarusiordugulu.

Kalaallit oqaasii tassaatillugit Kalaallit Nunaanni pisortatigoortumik oqaasiusut pisortatigullu ingerlatsinermi atugassaattillugit pingaaruteqarpoq innuttaasut tamarmik kalaallisut paasinnissinnaanissaat anguniartuassallugu. Tamannalu anguniarlugu Naalak-kersuisut peqquneqartariaqarput iliuusissamik pilersaarusoqqullugit siunissami ukioq aala-jangersimasoq nallerpat tamanna angusinnaaqqullugu.

Inuit Ataqatigiinni neriuppugut amerlanerussuteqarluartut siunnersuut ilalerumaaraat.

Pisortanut aningaasaqarnikkut allaffissornikkullu kingunissai.

Allaffissornikkut suliasatigut sulisussaag ukiumut AC-ip affap suliaasaanik naleqar-sinnaassasoq nalilerneqarpoq, tassa 250.000 kr.-it missaannik naleqarsinnaassalluni.

Namminersorlutik inuussutissarsiortunut aningaasaqarnikkut allaffissornikkullu kingunissai.

Namminersorlutik inuussutissarsiortunut aningaasaqarnikkut allaffissornikkullu kinguneqassanngilaq.

Innuttaasunut aningaasaqarnikkut allaffissornikkullu kingunissai.

Innuttaasunut aningaasaqarnikkut allaffissornikkullu kinguneqassanngilaq.